



Bosnia and Herzegovina
Federation of Bosnia and Herzegovina

CANTON SARAJEVO
Ministry of Traffic
Road Directorate

Broj: 04-11-18024/20
Sarajevo, 06.08.2020. godine

Na osnovu člana 64. stav 1. tačka b) i člana 70. Zakona o javnim nabavkama („Sl. glasnik BiH“, broj 39/14) te na osnovu Zapisnika o ocjeni ponuda, broj: 04-11-18024/20 od dana 24.07.2020. godine, Direktor Direkcije za puteve Kantona Sarajevo donosi

O D L U K U

o izboru najpovoljnijeg ponuđača
za „Izvođenje radova na realizaciji izgradnje dijela I dionice Prve transverzale- Dionica od ulice Kranjčevićeva do ulice Braće Begić“

I.

Uzimajući u obzir Preporuku iz Zapisnika o ocjeni ponuda, broj: 04-11-18024/20 od dana 24.07.2020. godine, ugovor za javnu nabavku „Izvođenje radova na realizaciji izgradnje dijela I dionice Prve transverzale- Dionica od ulice Kranjčevićeva do ulice Braće Begić“ dodjeljuje se ponuđaču **“EURO-ASFALT” d.o.o. Sarajevo**, ponuda broj: 04-11-26605 od 21.07.2020. godine, za ponuđenu cijenu od **23.425.711,31 KM** bez PDV-a, kao najbolje ocijenjenom.

II.

Prijedlog ugovora o nabavci dostavit će se na potpis izabranom ponuđaču po proteku roka od 15 dana, računajući od dana kada su svi ponuđači obaviješteni o izboru najpovoljnije ponude.

III.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

O B R A Z L O Ž E N J E

Postupak javne nabavke pokrenut je Odlukom o pokretanju postupka javne nabavke broj: 04-11-18024/20 od 05.06.2020. godine.

Javna nabavka je provedena otvorenim postupkom.

Procijenjena vrijednost javne nabavke je 21.400.000,00 KM bez PDV-a.

Obavještenje o nabavci broj: 201-1-3-20-3-41/20 objavljeno je na Portalu javnih nabavki dana 05.06.2020. godine.

Komisija za javnu nabavku imenovana je Odlukom o imenovanju Komisije za javnu nabavku broj: 04-11-18024/20 od 05.06.2020. godine.

Komisija za javnu nabavku je sačinila Zapisnik o otvaranju ponuda broj: 04-11-18024/20 od dana 21.07.2020. godine i Zapisnik o ocjeni ponuda, broj: 04-11-18024/20 od dana 24.07.2020. godine, a koji zapisnik sadrži preporuku ugovornom organu.

Komisija za javnu nabavku je blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike u kojima je utvrđeno sljedeće:

- Da je ukupan broj pristiglih ponuda 2 (dvije);
- Da su blagovremeno zaprimljene 2 (dvije) ponude;
- Da nijedna ponuda nije neblagovremeno zaprimljena;
- **Da je ponuda ponuđača “EURO-ASFALT” d.o.o. Sarajevo prihvatljiva;**
- **Da ponuda ponuđača “HERING” d.d. Široki Brijeg nije prihvatljiva.**

Naziv / ime ponuđača	“HERING” d.d. Široki Brijeg
Broj ponude:	04-11-26607
RAZLOZI ZA ODBIJANJE/ODBACIVANJE PONUDE	
<p>Ponuđač je na stranici 124. ponude (odgovara Aneksu IX tenderske dokumentacije) naveo da je izvršio tri ugovora/posla.</p> <p>Od tri navedena ugovora/posla je ponuđač na str. 125.-128. ponude dostavio potvrdu za samo jedan posao/ugovor, i to Potvrdu o urednom ispunjenju ugovora, izdatu od strane JP Autoceste FBiH (u nastavku “Potvrda”).</p> <p>Potvrda ne sadrži podatke iz kojih je vidljivo da se minimalno 5.000.000,00 KM odnosi na realizaciju radova na izgradnji cestovnih objekata.</p> <p>U Potvrdi se kao vrijeme ispunjena ugovora navodi period od oktobar 2014. – januar 2020. godine. Kako je tenderskom dokumentacijom tražen spisak izvršenih ugovora za period ne duži od 5 (pet) godina od objave tenderske dokumentacije, to iz Potvrde nije vidljiva realizacija ugovora u traženom periodu.</p> <p>Iznos naveden na stranici 124. ponude, koji se odnosi na posao iz Potvrde, te iznos koji je naveden u Potvrdi nisu jednaki.</p> <p>U tački 5.4.1 tenderske dokumentacije (Iskustvo na realizaciji istih i sličnih poslova) je navedeno sljedeće:</p> <p>“Ponuđač je u cilju dokazivanja uspješnog iskustva na poslovima dužan dostaviti spisak izvršenih ugovora za period ne duži od 5 (pet) godina ili od datuma registracije, odnosno početka poslovanja ako je Ponuđač registriran odnosno počeo sa radom prije manje od tri godine, računajući od datuma objave postupka, na poslovima izgradnje ili rekonstrukcije ili rehabilitacije javne ceste, i to u vrijednosti od minimalno 20.000.000,00 KM sa PDV-om, od koje vrijednosti se minimalno 5.000.000,00 KM mora odnositi realizaciju radova na izgradnji cestovnih objekata.”</p> <p>Uzimajući u obzir gore navedeno, ponuđač nije dostavio ponudu koja ispunjava uslove iz tenderske dokumentacije.</p>	

U postupku donošenja ove odluke, posebno su cijenjene činjenice da je Komisija za javnu nabavku pravilno i potpuno izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima tenderske dokumentacije.

U postupku ocjene provedenog postupka, direktor ugovornog organa nije našao razloge, nepravilnosti, niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija za javnu nabavku u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Iz Zapisnika o ocjeni ponuda, broj: 04-11-18024/20 od dana 24.07.2020. godine, je vidljivo da ponuda najpovoljnijeg ponuđača prelazi procijenjenu vrijednost, i to za 2.370.082,23 KM sa PDV-om.

Ugovorni organ je u svrhu zakonitog okončanja postupka, uzimajući u obzir odredbe člana 69. stav (2) tačka e) Zakona o javnim nabavkama, od Ministarstva saobraćaja Kantona Sarajevo zatražio informaciju da li su osigurana finansijska sredstva u visini iznosa koji prelazi procijenjenu vrijednost nabavke.

Ministarstvo saobraćaja Kantona Sarajevo je u svom dopisu broj: 04-11-18024/20 od dana 05.08.2020. godine obavijestilo ugovorni organ da će Ministarstvo saobraćaja planirati predmetni iznos za predmetnu nabavku te da će sredstva biti operativno raspoloživa nakon okončanja propisanih procedura zaduživanja od strane Ministarstva finansija Kantona Sarajevo.

Na osnovu prednjeg, a uzimajući u obzir značaj predmetne nabavke za Kanton Sarajevo te uzimajući u obzir činjenicu da je predviđeno zaključivanje okvirnog sporazuma na period od četiri godine, je ugovorni organ utvrdio da cijena ponude najpovoljnijeg ponuđača nije znatno veća od osiguranih sredstava za predmetnu nabavku.

Uvidom u priloženu dokumentaciju je nesporno da je izabrani ponuđač najbolje ocijenjen zbog **najniže cijene**, kako slijedi:

Budući da je u postupku ocjene ponuda utvrđeno da je ponuda samo jednog ponuđača prihvatljiva, to **e-aukcija** nije održana.

Rang lista ponuđača u slučaju primjene kriterija najniža cijena.

Redni broj	Naziv ponuđača	Ukupna cijena ponude
1.	"EURO- ASFALT" d.o.o. Sarajevo	Sa PDV-om: 27.408.082,23 KM
		Bez PDV-a: 23.425.711,31 KM
2.	"HERING" d.d. Široki Brijeg	Sa PDV-om: 28.958.026,77 KM
		Bez PDV-a: 24.750.450,23 KM

Izabrani ponuđač je izabran primjenjujući kriterij najniže cijene, koja je ponuđena u iznosu od 23.425.711,31 KM bez PDV-a.

Iz navedenih razloga, primjenom člana 64. stav 1. tačka b) Zakona o javnim nabavkama odlučeno je kao u članu 1. ove Odluke.

Prilog:

- Zapisnik o ocjeni ponuda, broj: 04-11-18024/20 od 24.07.2020. godine

Pouka o pravnom lijeku:

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

M.P.

Direktor

Dostaviti:

- evidencija
- "EURO-ASFALT" d.o.o. Sarajevo
- "HERING" d.d. Široki Brijeg
- a/a

Selmir Kovač, dipl. ing. saob.



web: <http://dp.ks.gov.ba>

e-mail: dp@dp.ks.gov.ba

Tel: + 387 (0) 33 560-402, + 387 (0) 33 560-426
Sarajevo, Hamida Dizdara 1

